

VÅGÅ FJELLSTYRE

MØTEBOK

Arkiv	Saksbehandlar	Møtedato	Sak nr.
F720	Knut Øyjordet	24.05.18	19/18

SØKNAD OM INNGJERDING AV BEITEAREAL VED SETRA – ELSE OG KJETIL STADE*Saksdokument:*

1. Søknad frå Else og Kjetil Stade av 24.04.18.
2. Brev frå fjellstyret til aktuelle partar av 02.05.18.

Saksutgreiing:

Else og Kjetil Stade søker om å få utvist beiteareal ved setra. Dei skriv m.a. i søknaden:

Vi har sluttat med mjølkeproduksjon og gått over til ammekyr. Før hadde vi 18-30 kastratar på beite på sætra om våren der vi også gav dei litt kraftfør for at dei skulle føle heime der og stort sett halda seg på Bringen når vi sleppte dei utangjerd etter 2-3 veker. Om hausten samla vi dei også inn på sæterkvea att for å nytte hamna der før vi gjekk heim att over fjellet. Mjølkekyrne som kalva om våren hadde vi på beite heime. Når vi nå har lagt om til ammekyr og rein kjøtproduksjon blir det fleire dyr og vi treng all dyrka mark til førproduksjon. Vi reknar med å ha nok hamn heime fram til kyrne og kvigene er para, men vil da gå over fjellet til Øvre Bringen med dei og kalvane også. Vi treng derfor meir innmarksbeite i tilknyting til setra tidleg på sommaren og på hausten. Totalt kan det bli 80-90 dyr med kalvar og ungdyr.

Spørsmål om utvising av beite blir behandla etter § 5 i Seterforskrifta, og søknad skal sendast fjellstyret. Den skal leggjast fram for kommunen, Statskog og allmenningsstyret for eventuelle merknader. Det er slik at fjellstyret tek avgjerd om beiteareal. Spørsmål om inngjerding er ei grunndisponering der Statskog tek avgjerd etter tilråding frå fjellstyret. Sidan spørsmål om beiteareal ved setra vanlegvis omfattar areal som skal inngjerdast, så trengst det difor løye både frå fjellstyret og Statskog. Statskog kan i samråd med fjellstyret fastsette vilkår for eit eventuelt løye.

Søknaden vart også sendt på høyring til Baksida beitelag, som munnleg har gjeve tilbakemelding om at dei ikkje har merknader til søknaden. Kart over det aktuelle arealet er vedlagt. Det blir søkt om å gjerde inn eit nokså stort areal, og ut ifrå kartet som var vedlagt søknaden, dreier det seg om bortimot 100 dekar.

Vurdering:

Tidlegare var reglane slik at i behandling av søknad om utvising av inngjerda beite knytt til ei seter, så kunne dette skje berre ved mjølkeproduksjon på setra. Dette har det vorte lempa på. Generelt skjer det meste av beitebruken i utmark. Særleg gjeld dette sau, men også for storfe. Seterkvar blir hamna før beiteslepp, og om hausten etter at dyra er sanka inn. For enkelte som går over til ammekyr, kan seterkvea sikkert bli i minste laget for å dekkje behovet vår og haust, og utvising av ekstra beiteareal blir difor aktuelt.

Adresse	Telefon	Bankgiro	E-post
Postboks 16 2684 VÅGÅ	61 29 37 37	2085.25.13625	vaga@fjellstyrene.no

Ein er elles kjent med at det kan vera aktuelt å opparbeide ein skiløypetrase mellom Stutarhaugen hyttefelt og skiløypenettet på Bringen, og at traseen kan vera aktuell i området som Stade søker om å gjerde inn til beite. Om så skjer, kan dette løysast ved bruk av grinder/le, slik som det er gjort elles der skiløypetrase går over kveer, dyrkingar eller inngjerda beite.

Innstilling til vedtak:

Med heimel i § 5 i Seterforskrifta får Else og Kjetil Stade utvist eit beiteareal inntil setra. Fjellstyret grunngjev dette med at dei i samband med drift med ammekyr har behov for meir innmarksbeite utover arealet på sjølve seterkvea. Fjellstyret rår difor Statskog til å godkjenne inngjerding av det aktuelle området. Dersom Statskog er positiv til inngjerding, vil sjølve utvisinga med nøyaktig avgrensing av arealet skje på ei synfaring der fjellstyret og Statskog er representert.

Vedtak:

Samrøystes: Som innstillinga.

Rett utskrift. Går til:

Else og Kjetil Stade
Statskog v/Trond Berger
Vågå kommune, landbrukskontoret
Langmorkje almenning
Baksida beitelag v/Odd Magne Oden

Vågåmo, 24.05.18

Knut Øyjordet (e.f)

Adresse	Telefon	Bankgiro	E-post
Postboks 16 2684 VÅGÅ	61 29 37 37	2085.25.13625	vaga@fjellstyrene.no